

四庫全書

集部

欽定四庫全書

集部

坡門酬唱集卷二十二

詳校官中書_臣張經田

助教_臣常循覆勘

總校官庶吉士_臣朱 鈐

校對官中書_臣李 蔡

謄錄監生_臣沈安邦

欽定四庫全書

坡門酬唱集卷二十二

宋 邵浩 編

秦少游

別子瞻

人生異趣各有求
繫風捕影祇懷憂
我獨不願萬戶侯
惟願一識蘇徐州
徐州英偉非人力
世有高名擅區域
珠樹三株詎可攀
玉海千尋真莫測
一昨秋風動遠情

便憶鱸魚訪洞庭芝蘭不獨庭中秀松柏仍當雪後青
故人持節過鄉縣教以東來償所願天上麒麟昔漫聞
河東鶯鶯今纔見不將俗物擬天真北斗已南能幾人
八埒學士風標遠五馬使君恩意新黃塵冥冥日月換
中有盈虛亦何算據龜食蛤暫相從請結後期游汗漫

東坡次韻

夜光明月非所投逢年遇合百無憂將軍百戰竟不侯伯
郎一斗得涼州翹關負重君無力十年不入紛華域

故人坐上見君文，謂是古人吁。莫測新詩說盡萬物情，
硬黃小字臨黃庭。故人已去君未到，空吟河畔草青青。
誰謂他鄉各異縣，天遣君來破吾願。一聞君語識君心，
短李髯孫眼中見。江湖放浪久全真，忽然一鳴驚倒人。
縱橫所值無不可，知君不怕新書新。千金敝帚那堪換，
我亦淹留豈長算。山中既未決同歸，我聊爾耳君其漫。
樂城次韻秦觀秀才攜李公擇書相訪

濟南三歲吾何求，使君到後消人憂。君言有客輕公侯，

扁舟相從古揚州致之匹馬恨無力千里相望

音同異忘

域誦詩空使四座驚隱居未易凡人測使君南歸無限
情鴻飛攜書墮我庭此書兼置昔年容袖中秀句淮山
青老夫強顏依府縣堆案文書本非願清談疊疊解人
頤安得坐右長相見狂客吾非賀季真醉吟君似謫仙
人未契長遭少年笑白髮應慙傾蓋新都城酒貴誰當
換塵埃汚面非良算歸來洒上苦思君莫待黃花秋爛

漫

秦君與家兄子瞻
約秋後再遊彭城

李端叔見寄次韻

君文豪贍無與儔使我吟諷忘離憂浩如沅湘起陽侯
翻星轉日吞數州華章藻句饒風力頃刻朱紅迷畛域
一斑縱復為管窺萬派終難以蠡測區區文墨倦高情
解鞅還游恍惚庭半槽新水六尺簟卧視雲物行空青
伊我籃輿抵京縣溽暑黃埃負初願君家只在御城東
彌月不能三兩見求仙未若醉中真蟻鬪鵝飛愁殺人
清都夢斷理歸棹回首一樹瓊枝新歸來草木春風換

世事蝟毛那可算幸謝故人頻寄書莫笑元郎自呼漫
和黃法曹憶建溪梅花

海陵叅軍不枯槁醉憶梅花愁絕倒為憐一樹傍寒溪
花水多情自相惱清淚斑斑知有恨恨春相逢苦不早
甘心結子待君來洗雨梳風為誰好誰云廣平心似鐵
不惜珠璣與揮掃月沒參橫畫角哀暗香消盡令人老
天分四時不相貸孤芳轉盼同衰草要須健步遠移歸
亂插繁華向晴昊

參寥師亦和詩云朔風蕭蕭方振槁
雲壓茅齋欲歌倒門前誰送一枝梅

問訊山僧少病惱強將筆力為摹寫麗句已輸何遜早
碧桃丹杏空自妍嚼蘂香無比好先生攜酒傍玉叢
醉裏雄詞驚電掃東溪不見謫仙人江路還逢少陵老
我雖不飲為詩牽不惜山衣同藉草要須陶令插花歸
醉卧春風
軼軒吳

東坡次韻太虛

西湖處士骨應槁只有此詩君壓倒東坡先生心已灰
為愛君詩被花惱多情立馬待黃昏殘雪消遲月出早
江頭千樹春欲闌竹外一枝斜更好孤山山下醉眠處
點綴裙腰紛不掃萬里春隨逐客來十年花送佳人老

去年花開我已病今年對花還草草不如風雨卷春歸
收拾餘香還畀昊

東坡次韻參寥

化工未議蘇羣鵠先向寒梅一傾倒江南無雪春瘴生
為散冰花除熱惱風清月落無人見洗粧自趁霜鐘早
惟有飛來雙白鷺玉羽瓊枝鬪清好吳山道人心似水
眼淨塵空無可掃故將妙語寄多情橫機欲試東坡老
東坡習氣除未盡時復長篇書小草且撼長條殄落英

忍饑未擬窮呼昊

樂城次韻太虛

病夫毛骨日凋槁
愁見米鹽惟醉倒
忽傳騷客賦寒梅
感物傷春同懊惱
江邊不識朔風勁
牆頭知有南枝早
未開素質夜光明
半落清香春更好
鄰家小婦學閑媚
靚粧惟有長眉掃
孤芳已與飛霰競
結子仍先百花老
苦遭橫笛亂飛英
不見遊人醉芳草
可憐物性空自知
羞作繁華助芒昊

樂城次韻參寥

憐君古木依巖楫西江飲盡須彌倒
野花幽草亦何為
險韻高篇空自惱
萬點浮溪輒長歎
一枝過嶺仍誇早
拾香不忍遊塵污
嚼蕊更憐真味好
道人遇物心有得
瓦竹相敲緣自掃
誰知真妄了不妨
令我至今思璉老
妙明精覺昔未識
但向閒窓看詩草
浮雲時起鳥四飛
畢竟安能亂清昊

魯直次韻

夢蝶真人貌黃槁籬落逢花須醉倒雅聞花光能畫梅
更乞一枝洗煩惱扶持愛梅說道理自許牛頭參已早
長眠橘洲風雨寒今日梅開向誰好何況東坡成古丘
不復龍蛇看揮掃我向湖南更嶺南繫船來近花光老
歎息斯人不可見喜我未學霜前草寫盡南枝與北枝
更作千峯倚晴昊

覲覲二弟作小室讀書魯直名曰寄寂作此寄之

用孫子實韻

力田不逢年識者未宜閔他時歲在金百兩無虛糴士
生當自量天道平如準汝兄魯叔山正坐不前謹有琴
亦無絃何心尚求軫客來欲頽玉大白輒滿引官長既
屢罵諸生亦時輟一口吸西江玄哉居士蘊歲寒知蒼
松日暮識丹槿夢想八九椽森然羅玉筍

魯直次韻子實題少章寄寂齋

虛名誤壯夫今古可笑閔屍裹萬里歸書載五車捆安
知衡門下身與天地準秦晁兩美士內行頗修謹余欲

造之深抽琴去其軫寄寂喧闌間此道有汲引獄戶聞
笞榜市聲雜嘲譟二生對曲肱圭玉發石蘊小大窮鵬
鷃短長見椿槿欲聞寂時聲黃鐘在龍筭

魯直再次韻寄少游

薛宣欲吏雲季氏或招閔此公胸中秋萬物欲收糴賣
藥偶知名草玄非近準才難不易得志大畧細謹士生
要弘毅天地為蓋軫驥夾鹽車驂井下短綆引難甘呼
爾食聊寄粲然羈誰能借前籌還婦用束縕吾聞調羹

鼎異味及枌槿豈其供王羞而棄會稽筍

春日寓直有懷參寥

觚稜金爵自峒堯藏室春深更寂寥捫虱幽花歆露葉
岸巾高柳轉風條文書几上鬚髯變鞍馬塵中歲月銷
何日一筇江海上與君徐步看生潮

文潛次韻

衰疲久厭五更朝每愧冥鴻在次寥顧我塵冠凋舊鬢
愛君山桂長新條文詞畫虎工逾拙世味春冰老益消

只欲歸依香火社高堂時聽法音潮

元日立春三絕

此度春非草草回美人休著剪刀催直須殘臘十分盡
始與新年一併來

發春獻歲偶然同新歷觀天最有功頭上兩般幡勝影
一時飛入酒杯中

攝提東直斗杓寒驟覺中原氣象寬天為兩宮同號令
不教春歲各開端

東坡次韻

省事天公厭兩回
新年春日併相催
慙慙更下山陰雪
要與梅花作伴來

已卯嘉辰壽阿同
願渠無過亦無功
明年春日江湖上

回首觚稜一夢中

子由一字同叔元
日已卯渠本命也

詞鋒雖作楚騷寒
德意還同漢詔寬
好遣秦郎供帖子

盡驅春色入毫端

立春日翰林學
士供詩帖子

張文潛

初到都下供職寄黃九

千里不相見勞勞復何辭不應一城中耿耿令我思
旣舍酒家樓椎壚卷其旗鼠壤敗晨炊守翁噪羣兒馬傍
挾兩羸雙踵待刻移五日長安塵故山夢中歸何以洗
我心望君青松姿懷情久不吐古屋絃悲詩

魯直次韻

短褐不磷緇文章近楚辭未識想風采別去令人思斯
文已戰勝凱歌偃旂君行魚上冰忽復燕哺兒學省

得佳士催來費符移方觀追金玉如許遽言歸南山有
君子握蘭懷令姿但應潔齋俟勿詠無生詩

贈无咎以既見君子云胡不喜為韻

平生懷想人握手良未易接君同舍歡此事非此世十
年淮海夢一笑相逢地投分白首期願言何有既

賢愚譬觀形美醜不自見醫肱待三折劍鐵要百鍊磨
君古青銅汰揀寄明辨一智出千愚食芹敢忘獻

文風還正始磊落有諸君長者進後生亦使我有聞譬言

如狸與虎偶使並稱文然終不可反困我力空勤

文衰東京後特起得韓子支撐誹笑中久乃化而靡籍
湜既灑掃後生始歸市垂君拯溺手請效我一指

詩壇李杜後黃子擅奇勲平生執羈勒開府與叅軍舉
詩兼筆徒吟哦漫云云安知握奇律一字有風雲

觸有羸其角進有跋其胡膏車秣吾馬白日在修途雖
乏無何杯頗多未見書力學致事功良田本深鋤

黃子少年時風流勝春柳中年一鉢飯萬事寒木朽室

有僧對談房無妄持帚此道人人事誰令余獨不
南山縛虎師肯顧世書字揚眉哦楚喉鼎畔倒侯喜詩
聲一蒼蠅下到霹靂耳庸庸老尋常物外有奇偉

魯直次韻

龜以靈故焦雉以文故翳本心如日月利欲食之既後
生玩華藻照影終沒世安得八紘置以道獵衆智
談經用燕說束棄諸儒傳濫觴雖有罪末派瀾九縣張
侯真理窟堅壁勿與戰難以口舌爭水清石自見

野性友麋鹿君非我同羣文明近日月我亦不如君十
載長相見逝水川沄沄何言談絕倒茗椀對爐薰

北寺鎖齋房塵鑰時一啟晁張楚然來連壁照書几庭
柏鬱葱葱紅榴罇多子時蒙吐佳句幽處萬籟起

先皇元豐末極厭士淺聞只今舉秀孝天未喪斯文晁
張班馬首崔蔡不足云當令橫筆陣一戰靜楚氛

張侯窘炊玉僦屋得空壚但見索酒郎不見酒家胡雖
肥如瓠壺胸中殊不粗何用知如此文采似於菟

荆公六藝學妙處端不朽諸生用其短頗復鑿戶牖譬
如學捧心初不悟已醜玉石恐俱焚公為區別不

吾友陳師道抱獨門掃軌晁張作薦書射雉用一矢吾
聞舉逸民故得天下喜兩公陣堂堂此事可摩壘

次韻秦觀

琬琰非世珍昔以羊皮換嗟君復何求衆棄乃所玩十
年少遊兄閉口受客難二毛才一第俗子猶憤惋人間
異巧拙善斲愧顏汗嬋娟守重閨倚市爭倩盼君胡寶

滯貨屢辱訪衰懦譬猶卧仆塗更侑觥與散球然瑚璉
質磨琢爭璀璨遲君三年鳴更用驚我慢

魯直次韻

山林與心違日月使鬢換儒衣相詒病文字奉娛玩自
古非一秦六籍益多難詩書或發冢熟念令人惋秦君
銳本學驥子已血汗相期參天衢伯樂嘗一盼士為欲
心縛寸勇輒尺懦要當觀此心日照雲霧散扶疎萬物
影宇宙同璀璨置規豈惟君亦自警弛慢

初伏大雨戲呈无咎

集本無戲字

初伏炎炎坐湯釜長安行人汗沾土誰傾江海作清涼
玄雲駕風橫白雨普陀真人甘露手能使渴乏厭膏乳
且欲當風展簟眠敢辭避漏移牀苦清貧學士卧陶齋
壁上墨君淡無語翰林但解嘲苜蓿彭宣不得窺歌舞
聯詩得句笑出省策馬涉泥歸閉戶牀頭餘榼定何嫌
窓外黃榴堪薦俎

无咎次韻

蓬山前臨九軌路三月街晴案吹土直廬鑿牖面宮垣
青壁嶄嶄看垂雨殿閣風斜碧瓦寒翅濕蒼鳶不能乳
却思窮巷亦可憐一掃蚊蚋通昔苦鬱蒸書課未須忙
午漏傳休聽天語平生豪氣對尊酒山雞見鏡猶能舞
城南寺近晚堪過笙歌涼月聞千戶但憂伏日細君須
割肉無緣侍歸俎

復用韻

火焚真金融作暑南風無聲蒸厚土省門下馬不讀書

急掃藤牀卧聽雨朝涼已覺飯有味紫盃新茶如潑乳
天工未費一杯水已變炎涼異甘苦晁侯笑顧北窓竹
知君吟詩得佳語忽驚秋近梧桐落未厭野潤商羊舞
快洗晚空作晴碧三更月華清萬戶不怕泥深滑馬蹄
更自無金謀燕俎

用韻答蔡天啟

黃鍾無聲登瓦釜蔡子青衫在塵土逼人爽氣百步寒
知子胸中有風雨三年河東走胡馬絕口魚鰕便酪乳

歸來萬卷付一讀不學兒曹用心苦周瑜陸遜久寂寞
千年北客嘲吳語莫徒彩筆雲錦張要是寶劍蛟龍舞
天兵百萬老西北快馬如飛不出戶看公大纛出麒麟
走取單于置刀俎

蔡天啓詩張侯胸中包覆釜百里奔流無寸土玄蛟白鼉有時作一洗乾

坤三日雨詩雄變怪有如此震動稍能止啼乳已傾太白酒船空更壓少陵飯山苦昨朝東門同拜勅玉齒猶能道中語閉門十日無一事坐對空庭秋葉舞何時御史出霜臺便假前驕辭棘戶城南邀我倒餘尊紫栗黃

橙已登俎

无咎次韻贈文潛

蔡侯飽學困千金濯足清江起南土放談頗似燕客雄
快奪范睢如墜雨東城增羽未足論柏直何為口方乳
蔣侯山中伴香火三年不厭長齋苦平生豪偉有誰同
要得張侯三言語晝閒那自運甓忙時清不用聞雞舞
桓榮懽喜見車馬書冊辛勤立門戶要當食肉似班超
猛虎何嘗窺案俎

欲知歸期近贈天啟

欲知歸期近屈指不滿手豈無兒女心惜此良邂逅蔡

郎吾未見心已想雄秀那知風雨夜聽此龍劍吼八荒
一驥了萬馬空去廐鍾山淨明老為子不惜口頗聞國
士薦固自君所有唯應功名地他日客老醜
蔡天啓詩欲知歸期
近朱墨復在手出門豈無時官事少邂逅張公晚定交
千仞仰森秀華堂耿青燈夜半獅子吼真龍服內閑爽
氣凜羣廐新詩陳五鼎斟酌皆可口光華委
行色於我亦何有緘藏不知報刻劃無鹽醜

无咎次韻

眉山見張侯心許出一手臨川得蔡子千載慰邂逅鄧
君起南園磊磊看三秀譬如黃鍾陳我尚瓦釜吼欲知

歸期近喚馬牽出廐官醪持餉婦傾瀉僅漬口千章輸
明堂勿問草澤有羣公自凜凜水鏡照妍醜

謝錢穆父惠高麗松扇

三韓使者文章公東夷守臣親掃宮清廉不受橐中獻
萬里歸來兩松扇六月長安汗如洗豈意落我懷袖裏
中州剪盡霜雪紈千年淳風古箕子

東坡次韻

可憐堂堂十八公老死不入明光宮萬牛不來難自獻

裁作團團手中扇
屈身蒙垢君一洗
挂名君家詩集裏
猶勝漢宮悲婕妤
網蟲不見乘鸞子

休沐不出二首

闕

魯直次韻二首

風塵車馬逐得失
兩關心惟有張仲蔚
門前蓬蒿深自
公及歸沐畢
願詩書林墻東
作瘦馬萬里氣
駸駸

與世自少味
閉關非有心
戎葵一笑粲露井
百尺深著
書灑風雨枯筆束
如林蘇公歎妙墨
逼人太駸駸

魯直見和前詩再用前韻

濟物非僕僕功名愧無心倚市安能美汲泉不厭深老
人夙有尚餅鉢好叢林安能紅塵裏徒使老駸駸

无咎次韻二首

張侯經濟術見遇未容心揚子執戟老將生開逕深子
亦拙造請素懷愛園林閉門鳥雀喜朝日上駸駸

文史平昔契淮山別離心省中並日直天上青春深買
屋近城塢往來成竹林詩摹黃著作吾亦意駸駸

泊南京登岸有作呈子由子敏逸民

客行歲云暮孤舟衝北風出門何蕭條驚沙吹走蓬北
涉淮河水南望宋王臺落葉舞我前鳴鳥一何哀重城
何諠諠車馬溢四郭朱門列大第高麗麗飛閣湯湯長
河水赴海無還期蒼蒼柏與松崗原常不移覽物各有
歎誰者知我心口吟新詩章手撫白玉琴鳴琴感我情
一奏涕淚零伯牙久已死何人為我聽推琴置之去酌
我黃金壘幽憂損華姿流景良易頽

樂城次韻

客舟逝將西日夜西北風維舟罷行役坐令鬢如蓬偶
從二三子步上百尺臺雲煙遍原隰惆恍令人哀山中
難久居浮沉在城郭欲學揚子雲避世天祿閣浮木寄
流水行止非所期何須自為計水當為我移外物不可
必惟此方寸心心中有樂事手付瑟與琴夜吟感秋詩
惜此芳物零幽人亦多思起坐再三聽白駒在空林餅
磬有恥壘盡我一杯酒愁思如雲頽

文周翰邀至王才元園飲

朝衫衝曉塵歸帽障夕陽日月馬上過詩書篋中藏心
疑長安人一一如我忙城西有佳友延我步閑坊入門
見主人讌客無簪裳蒲團烏皮几密室留妙香門前佳
木陰堂後羅衆芳飯客炊雕胡旨酒來上方盈盈雙鬟
女身小未及牀執板歌一聲賓主無留觴漱井消午醉
掃花坐晚涼主翁塵外人三十辭明光閉門自灌園種
木見老蒼有才不試事歸卧野僧房知君非徒然顧我

不能量始知同一國喧靜自相忘衆綠結夏惟老紅駐
春粧何惜君馬蹄坐令風雨狂

魯直次韻

移竹淇園下買花洛水陽風煙二十年花竹可迷藏九
衢流車馬相值各匆忙豈有道邊宅靜居如寶坊幅巾
延客酒妙歌小紅裳主人有班綴衣拂御爐香常恐鷓
鴒鳴百草為不芳故作龜曳尾頗深漆園方初開蝸牛
廬中置師子牀買田苑丘間江漢起濫觴今此百畝宮

冬溫夏清涼身閒閱世故宇靜發天光安肯聲利場牽
黃臂老蒼張侯筆瑞世三秀麗齊芳作詩盛推賞明珠
計斛量掃花坐晚吹妙語益難忘重游樊素病捧心不
能粧來日猶可追聽我歌楚狂

无咎次韻

霜雪埋百花及時鬪春陽城南有高士買屋入花藏經
時不出門為花日日忙我居在何許近止東數坊亦有
佳公子連車換帷裳隔牆蜂蝶喧開戶草木香仙人朱

桃椎髮綠童臉芳此公不可見此畫來遠方竹歌屠蘇
塢柳拂轆轤牀素兒雖小小亦足侑客觴尚書廊廟具
氣若冰壺涼忘年此賓主吾黨有輝光人生走塵土歲
月顏鬢蒼曷不休沐暇過此薰脩房宴坐二十年非癡
實難量

王才元未
四十休官

張侯不出家在家說緣忘尚擬問兩

卿攜肴借紅粧妍歌聽黃子不飲亦清狂

卧病月餘呈子由二首

部室悠悠昏復朝強披莊子說逍遙四禪未到風猶梗

九轉無功火不燒學道若為調鹿馬是身不實似芭蕉
丹砂赤箭功何有想聽清言意自消

風葉鳴窓已復朝喚回歸夢故山遙酒壺暗淡浮塵集
藥鼎青熒敗葉燒閉戶獨依寒蟋蟀移牀更就雨芭蕉
雪深更請安心術長日如年未易消

藥城次韻

一卧憐君三十朝呼醫仍苦禁城遙靈根自逐新陽發
病枿從經野火燒叻噪未須尋麴蘖囊空誰與典絺蕉

何時匹馬隨街鼓睡起頻驚髀肉消

塵垢汙人朝復朝病中吟嘯夜方遙長空雁過疑相答
虛幌螢飛坐恐燒稍覺新霜試松竹未應寒雨敗梧蕉
從來百鍊身如劍火滅重磨未遽消

无咎次韻一首

攜筇過子約朝朝况是門無百步遙午卧簷曦茶可煮
夜談窓霰栗堪燒范魚何用驚生釜鄭鹿應知夢覆蕉
試作文殊問居士從今一飯久如消

立春三首

天上春來誰報人
江山氣象一時新
懶將白首簪幡勝
壽酒三杯慰逐臣

風光先著竹間梅
和氣應從九地回
桃李滿園渾未覺
微紅先向寶刀開

蒼龍闕角回金斗
文德門南散曉班
車馬紛紛殘雪裏
鏤銀剪綵舞新幡

魯直次韻

渺然今日望歐梅已發黃州首更回試問淮南風月主
新年桃李為誰開

誰憐舊日青錢選不立春風玉筍班傳得黃州新句法
老夫端欲把降幡

江山也似隨春動花柳真成觸眼新清濁盡須歸甕蟻
吉凶更莫問波臣

魯直再次前韻

春工調物似鹽梅一一根中生意回風日安排催歲換

丹青次第與花開

久狎漁樵作往還
曉風宮殿夢催班
鄰娃似與春爭道
酥滴花枝綵剪幡

酒有全功筆有神
可將心付白頭新
春盤一任人爭席
莫道前銜是近臣

次韻鄧忠臣呈同院後至諸公

驄馬嘶將近天門
報欲回妻孥憐別久
鄰里問歸來左
學徒仍在嘗官太學西城宴許陪官得與喜宴腹毛何足問奇捷

欽定四庫全書

卷二十二

看渠魁

鄧忠臣詩秋日同文館飛章待報回絲綸先日降鵷鷺忽朋來諸彥俱精鑒微生亦溫陪紛紛

五千贖誰

定冠倫魁

无咎聞謹思話舊隱用回字韻

聞在豪塘隱松林日百回當年鹿何往異世鶴歸來未

許茅齋並終朝蠟屐陪丹留杉不死夜氣看星魁

謹思家臨

湘壕塘晉陶淡隱此山嘗養一白鹿蓋乘鶴仙去藏丹於杉今大十餘抱矣

嘲无咎夜起明燈聽謹思詩

翠屏香暖秋眠穩霜冷寶奩金錯刀誰信苦吟無睡客

挑燈起聽楚人騷

无咎次韻奉答文潛戲贈

倦遊年少憶安巢歸夢嘗慚斷織刀

樂羊子遊學來歸妻何氏引刀趨機

曰君損失成功猶斷斯織也

老去周顒雖有婦黃經對几夜騷騷

再謝周顒之句

煙飛小玉吳王國柳暗朱樓鐵甕城見說周顒經案外
亦聞荀粲并牀聲

无咎次韻

秋日照歌淮上舫春花引醉福昌城何如閭闔門西北
卧聽秋風枕畔聲

次韻鄧忠臣夜話達旦

燈花昨夜已分明更聽朝簷喜鵲聲明日朱門閉空館

秋風駿馬大梁城

鄧忠臣詩書窓燈火夜深明窓外蕭蕭雨葉聲對榻不眠談往事渾如五

鼓過嚴城

无咎次韻

疎林小雨月籠明商頌琅琅夜半聲鄧子弓強殊未發

欲馳桑本犯堅城

同魯直无咎遊啟聖

西方金仙千歲身天上伐木役天人閻浮檀光照世界
作此無量勝妙因九龍寶地赤精宅涌出宮殿壓風輪
化人南來為守護震動六種走鬼神錦幪老人常住世
宴坐說法無冬春故人蕭公作塵土白蓮花葉光如新
妙道無邊世眼窄真心遍通人智貧可憐端居敝宇宙
幾見疑惑談偽真簷牙森森鐵鳳啄殿顏眈眈金獸蹲

官冷何妨近香火時容勝絕洗埃塵

无咎次韻

少一韻

至人如幻千億身若以色觀皆世人大千初自一漚發
變化誰能知本因移天宮殿著人世斷取無異陶家輪
當年紫磨已殊勝後來浮海亦有神緬懷此地初啟聖
真人繼出天下春莊嚴事秘理莫測萬世鎮守無陳新
寶坊千柱衆八百衣食隨念何由貧天寒急景過駒隙
坐穩不去同鷗蹲歸來想像法光影一洗百慮無餘塵

寒夜擁爐有懷淮上

長安暮冬雪如山堅冰錯落於其間八荒一雲同慘淡
北風怒迴江海翻老人此時不復出閉戶然薪守蓬華
忽憶去年淮上船有客致酒頗豪逸三更堂下霜折木
坐上美人鳴寶瑟人生有情亦可憐明眸皓齒如眼前
主人金章作塵土煙飛星散江南天知非蘧公時一歎
讀書梅叟亦蕭然百年萬事費排遣軟語試問東家禪

无咎次韻

少一韻

老人得坐安如山畏寒縮頭衣裘間不如公子擁樽酒
詩材春富詞濤翻想見楊家美人出玉面朱唇映琴瑟
冰船著炬光照淮雪亂風筵飲方逸只今愁坐私自憐
寒書凍硯塵滿前人生何者非昨夢還如歸去散花天
老人已復形槁木真幻那知然不然蚓鳴小鼎藜羹熟
開眼圓蒲不是禪

竹堂

誰道清貧守冷官遶家十萬翠琅玕直應流水深相與

不待清風已自寒學得鳳鳴真自許化成龍去不終蟠
知君何世無來者可是王郎獨與歡

无咎次韻

梅福當年守此官荆山誰見韞琅玕人如脩竹三冬好
詩與清溪九夏寒未信簪裳妨小隱及時雷雨起深蟠
春風攬轡河陽縣痛飲狂歌憶舊歡

坡門酬唱集卷二十二

欽定四庫全書

坡門酬唱集卷二十三

宋 邵浩 編

晁无咎

東坡先生移守廣陵以詩往迎先生以淮南旱書

中教虎頭祈雨法始走諸祠即得甘澤因為賀

去年使君道廣陵吾州空市看雙旌今年吾州歡一口

使君來為廣陵守麥如櫛髮稻立錐使君憂民如已饑

似聞維舟禱靈塔如絲氣上淮西睢隨軒膏澤人所待
風伯何知亦前戒虎頭未用沉滄江龍尾先看掛清海
為霖功業在傳巖如何白首擁彤幃世上讒夫亂紅紫
天教仁政滿東南青袍門人老州佐千世無成志消憤
封章去國人恨公醉笑從公神許我瓊花芍藥豈易逢
如淮之酒良不空一醕孤鴻煙雨曲平山堂上快哉風

東坡次韻

少年獨識晁新城閉門却掃卷旆旌胷中自有談天口

坐却秦軍發墨守有子不為謀置錐虹霓吞吐忘寒饑
端如太史牛馬走嚴徐不敢連尻脰裴回未用疑相待
枉尺知君有家戒避人聊復去瀛洲伴我真能老淮海
夢中仇池千仞巖便欲攬我青霞幘且須還家與婦計
我本歸路連西南老人飲酒無人佐獨看紅藥傾白墮
每到平山憶醉翁懸知他日君思我路旁小兒笑相逢
齊歌萬事轉頭空賴有風流賢別駕猶堪十里卷春風

閻子常攜琴入村

閻夫子通古今家徒四壁猶一琴今年二月雨霖霖喜
君壠麥如人深屋間幽默咸池音高山流水我非聽聽
我說君辛苦吟薛君村西十里地旱日燎原無柳林芒
鞋曳杖逐鎌籠當午未食饑燒心芸芸麥田翻黃波蝻
蟲盤穗如蝸螺麥未收打催種豆屋下跡少田間多閻
夫子時我過我與夫子良同科四體雖勤口舖衆煮豆
然其窮奈何人謂君琴語辛苦此曲無乃傷天和君不
見夫子宋園不糝猶絃歌

魯直次韻

士寒餓古猶今向來亦有子桑琴倚楹嘯歌非寓淫伯
牙山高水深深萬世丘壟一知音閤君七絃抱幽獨晁
子為之梁父吟天寒絡緯悲向壁秋高風露聲入林冷
絲枯木拂蛛網十指巧能寫人心村村擊鼓如鳴鼉豆
田見角穀成螺歲豐寒士亦把酒滿眼飮餽梨棗多晁
家公子屢經過笑談與世殊白科文章落落映晁董詩
句往往如陰何閤夫子勿謂知人難使琴抑怨久不和

明光晝開九門嘯不令高才牛下歌

及第東歸

闕

赴

闕

寄李成季

先輩觀濤滄海口長嘯橫槎拂牛斗野人醉著夢遊天
九門歷盡驚復還嘈嘈廣樂猶盈耳出門依舊重人間
不知先輩今何往仙標玉骨天應賞千里東歸暮景清
桑麻暗地日銜城黃金宮闕初回望青草恩袍偶自榮
歸來澣濯親甘旨却歎京塵悞遊子家人飯黍慰辛勤
鄰媪壺漿佐歡喜君不見馮驩一見星闌干短歌慷慨

不堪彈男兒得意貴
穎脫功名有分榮
躋攀折腰正為
五斗米得飽約君尋故山

復用前韻答明畧并呈魯直

廖君憤世談刺口人言寧食葱
三斗軒然闕鼻頤隱肩

日日醉市驅驢還我初目病視
髣髴望君有異天人間
新豐兩行惜不上竹林風來虛
自賞俯頭落筆千人驚
一戰取齊餘兩城田生龍甲賴
束葦詭勝尾熱安知榮
盈盈府中誰憐此為君愧慙
黃夫子論功欲識非戰罪

試使啞啞走楊喜君不見方朔高才良獨難割肉要令
生自彈北軍給食誰致爾羊裘平昔安能攀偶然捧檄
忽擲板鳥自知還雲出山

復用前韻答魯直并呈明畧

黃子人談不容口豈於常人計升斗文章屈宋中阻艱
子欲一身追使還離騷慄慄悲草木幽音細出芒絲間
陽春絕句自雲上折楊何煩嗑然賞橫經高辨一室驚
乍似遠人迷廣城隔河相和獨許我枯枿亦有條之榮

廖君不但西南美誰見今人如是子多髯府掾正可譔
蠻語叅軍寧素喜君不見古來皆醉舖糟難沐浴何須
仍振彈斲冰無處用蘭拽芙蓉木末安能攀只無相報
青玉案自有平子愁關山

復用前韻并答魯直明畧且道見招不能往

銅斗承糟醉張口口和漁陽拍銅斗去年拋却青竹竿
女嬃嬋娟呼我還我初不解世中語淡面那久王侯間
未須頭出千人士上要與廖君黃子賞竹林清風前日生

豫章冥冥雲擁城二人不來草木長帶缺陸離誰與榮
步行奪馬從此起談笑封侯誰氏子平生不識笳鼓悲
虛讀君詩含然喜君不見大賢遠抱與俗難何須酒盤
柔指鳴哀彈二人高韻已寥廓黃鵠之飛那得攀繩橋
可度見可喜家貧馬骨高三山

復用前韻答唐公唐公有一日紙貴傳都城之句

且訟其不我知也并呈魯直成季明畧

諸公辯壯懸河口唾落紛紛珠百斗井陘酣戰我已慳

赤幟忽立無由還唐公斷後不容北腹背未殊秦宛間
明光侯印懸天上下有死夫懸重賞書生懦志安足驚
饑死索米長安城獻君賜帛等優笑覆醬未知傳紙榮
泮宮先生誠國士可是同年予二子雜吟未減聽匏竹
能使窮愁發孤喜君不見新聲欲至舊聲難十指毋勞
千萬彈平生不遇感知已過此身外誰能攀它年常侍
幸見訪不因豆落悲南山

復答唐公并呈魯直成季明畧

窮邦無以餬吾口歲歲荒山收橡斗商歌白石不勝寒
非為荊州三往還天下無人知我意得君相合一言間
三書丞相何煩上再見客卿寧用賞願聞關中季布名
何得此聲梁楚城論心四子誰許我百金一諾茲為榮
唐公才非今世士不見聖人見君子我今正似逃虛空
聞人楚然心已喜君不見玉川月蝕詩律難不獨蝦蟇
遭罵彈憑陵百怪付公等青天蜀道寧容攀它時鄒湛
名亦好常在我如因峴山

復用前韻呈明畧

茅焦逆許磨虎口何似淳于飲一斗終軍乘傳驚漢關
何似富春投組還天下同心乖出處豈徒黃白馬毛間
鄙夫紛紛煩缺望負日可堪希國賞竹林居士亦何營
江花無限老江城那知橋上四馬寵能作山間蕙帳榮
興國寺中四月尾海棠雪落關紅子呼門日午醉不應
昨夜君恩賜聞喜君不見卒然佳會高歡難幸值野王
聊一彈人生歧路易南北明發雲散何由攀知君未試

餐玉法我亦欲返焦城山

復用前韻呈魯直

懷英名高長史口獨以一人當北斗黃公崛起與之班
奄有斯名唐以還文章破觚賴聖世筆墨未逃蹊徑間
湖州太守諸儒長可獨進賢無上賞曾語黃公四座驚

競吟佳句汶陽城

丁巳年余謁蘇湖州於汶
上座中為余誦魯直詩

飲茶未勝

薄酒傾若人所辱伊人榮鳳兮德衰衆鳥恥陳蔡不憂
顏氏子窮吟百軸傳未已短髮頻搔為君喜君不見富

貴及時行樂雖無趙女有秦彈夢中自古不識路月
在雲際勞梯攀何時半嶺聞清嘯相值蘇門百尺山
復用前韻遣懷呈魯直唐公成季明畧

涇水為渠食萬口一石論功泥數斗嗟涇獨不似渭閒
安流赴海又西還天下梗枿盡隆棟何如櫟社不材閒
無能飽食猶天上巧智憂勞緣利賞我無懋功突厥名
橫身為國作長城又非石堡將軍勅帶刀奪取紫袍榮
世上此身愚莫比霧縠翻慙漢童子壯心雖欲強自挽

鳬脰元慳續非喜君不見西京對策濟時難羞死王嫫
馬上彈時平鳥雀須食爾鴻羽可用高難攀從今識路
窘捷徑求我莫傍終南山

復用前韻答十五叔父任城相會見和詩任城有
李白舊游處錄於詩中

太華玉蓮甘適口我欲求之青壁斗崑崙不覩覩大宛
何異學射中途還平生傲世予南阮臧否未容留齒間
七賢遠迹冥鴻上咸也復幸青雲賞歸來濁酒厭獨傾

疲馬却走諸任城紅桃白李晚寂寞黃菊獨暴秋陽榮
謫仙酒樓餘舊址明月年年飄桂子不見山東故小吏
斗酒雙魚誰共喜慟哭窮途自古難不應更待雍門彈
瓜田今歲初自墾柴車後日復誰攀東阿下望有歸意
且為子建留魚山

魯直次韻

晁子抱材耕谷口世有高賢踐台斗頃隨計吏西入關
關夫數日傳車還封侯半屬妄校尉射虎猛將猶行間

無因自致青雲上浪說諸公見嗟賞驥伏鹽車不稱情
輕裘肥馬鳳凰城歸來作詩謝同列句與桃李爭春榮
十年山林廖居士今隨詔書稱舉子文章宏麗學西京
新有詩聲似侯喜君不見古來良為知音難絕絃不為
時人彈已喜瓊枝在我側更恨佳樹無由攀千里風期
初不隔獨憐形迹滯河山

魯直再次韻呈廖明畧

吾覩三江五湖口湯湯誰能議升斗物誠有之士則然

晚得廖子喜往還學如雲夢吞八九文如壯士開皇間

十年呻吟江湖上青楓白鷗付心賞未減北郭漢先生

五府交書不到城

漢汝南廖扶

相者舉肥驥空老山中無人

桂自榮君既不能如鍾世美匭函上書動天子且向華
陰郡下作叅軍要令公怒令公喜君不見晁家樂府可
管絃惜無傾城為一彈從君補掾百寮底九關虎豹何
由攀男兒身健事未定且莫著書藏名山

魯直再次韻走答明畧適堯民來相約奉謁故

篇末及之

君不見生不願為牛後寧為雞口吾聞向來得道人終
古不忒如維斗希價咸陽諸少年可推令往挽令還俗
學風波能自拔我識廖侯眉宇間省庭無人與爭長主
司得之如受賞東家一笑市盡傾畧無下蔡與陽城生
珠之水砂礫潤生玉之山草木榮觀君詞章亦如此諒
知躬行有君子更約探囊閱舊文蛛絲燈花助我喜賢
樂堂前竹影斑好鳥自語莫令彈比鄰著作相勞苦整

駕謁子邀同攀應煩下榻煮茶藥坐待月輪銜屋山

魯直再次韻答明畧并寄无咎

可以忘憂惟有酒清聖濁賢皆可口前日過君飲不多
明日解醒無五斗古木清陰丹井欄夜來涼月屋頭還
論交撥置形骸外得意相忘樽俎間冰壺不可與夏蟲
響秋月不可與俗士賞已得樽前兩友生更思一士濟
陽城雖無四至九卿之規畫猶有千秋萬歲之真榮空
名未食太倉米今作斑衣老萊子卿家嗣宗望爾來不

欽定四庫全書

坡門酬唱集
卷二十三

十一

獨我聞足音喜西風索寞新葉乾長鋏歸來亦罷彈窮
巷蓬蒿深一丈朱門廉陞高難攀吾儕相逢置是事百
世之下仰高山

魯直再次韻呈明畧并寄无咎

夏雲涼生土囊口周鼎湯盤見科斗清風古氣滿眼前
乃是戶曹報章還只今書生無此語已在貞元元和間
一夫謬謬獨無望千夫唯唯皆論賞野人泣血漫相明
和氏之璧無連城叅軍拄笏看雲氣此中安知枯與榮

我夢浮天波萬里扁舟去作鷗夷子兩士風流對酒尊
四無人聲鳥聲喜夢回擾擾仍世間心如傷弓怯虛彈
不堪市井逐乾沒且願朋舊相追攀寄聲小掾篤行
李落日東面空雲山

魯直再次韻答明畧二首

挾策讀書計餬口故人南箕與北斗江南江北萬重山
千里寄書聲不還當時朱絃寫心曲果在高山流水間
梧桐滿腹生蛛網忍向時人覓清賞廖侯文字得我驚

五岳縱橫守嚴城萬夫之下不稱屈定知名滿四海非
真榮富於春秋已如此他日卜鄰長兒子一丘各自有
林泉扶將白頭親宴喜秋風日暮衣裳單深巷葉落已
如彈數來會面復能幾六龍去人不可攀短歌溷公更
一和留乞淮南作小山

廖侯言如不出口銓量古今膽如斗度越崔張向二班
古風蕭蕭筆追還前日辭家來射策聲名籍甚諸公間
華陰白雲鎖千嶂勝日一談誰能賞君不見曩時子產

識然明知音鬱鬱閉佳城勿以匣中之明月計校冀上
之朝榮我去丘園十年矣種桑可蠶犢生子使年七十
今中半安能朝四暮三浪憂喜據席談經只強顏不安
時論或譏彈愛君草木同臭味頗似瓜葛相依攀我有
仙方煮白石何時期君藍田山

答陳無已秀才謔贈

驅車觸熱中煩滿苦無蔗漿凍金盃陳君詩卷可洗心
持作終朝晤言伴男兒三十四方身布衣不化京洛塵

白駒皎皎在空谷黃鳥睍睍鳴青春子桑之居十日雨
入門不復聞人語形骸正是吹一呷安用虛名齊后土
文章初不用意成黼黻帝躬臨下民時花俚服誚新巧
牛馬安所辭吾名禹穴幽竒行可彊江南江北正相望
乘濤鼓枻何當往愛惜水仙桃竹杖不應越女三年留
相見還須未白頭蓬生知非苦不早巨壑夜半遺藏舟
達人一言蒿矢疾相從琢磨悔去日菖蒲正是可憐花
我獨聞名不曾識

無已次韻

西湖欲雨厨煙滿風葉倒囊雲覆盃望湖樓上白頭人
獨倚闌干誰肯伴獨有詩人記病詩清風千里寄行塵

闕

華清有回天力驚開桃李閑新春往事不回如過雨

醉夢恍然忘惡語

前在澶淵有讀无咎文編詩因以戲之无咎今以為言

人生如

幻此何尤未信黃金貴於土愛子千篇頃刻成借將胸

腹詫吳人吟哦怪有芳鮮氣却被湖山識姓名

蘇子瞻詩云遊

徧錢塘湖上境歸來文字帶芳鮮

文章廢退知難強身外虛華本無望

何曾臨水惜芒鞋却解逢人拈拄杖眼根清淨塵不留

登迦過盡不回頭

來詩云不應越女三年留

家在中原歸未得江淮

斷道無行舟兩山相逢翻手疾欲謀一笑寧無日却慙

懷朴似周人祇可聞名不須識

飲謝公輔家

皇天於春自著意安排未遣東皇家朝雨已教潤壓土
曉風更將寒約花詩篇驅使到老得酒船拍浮即生涯
四年逢春今日好可是芳物年年加

文潛次韻

愛酒苦無阿堵物尋春奈有主人家
未容黃蜂釀成蜜已怕惡雨不容花
雲間明月誰可攬海中蟠桃良未涯
浮名誤人不得脫黑髮減來那復加

同文館次韻鄧忠臣三首

平生鄧夫子文墨晚相依臺閣佳聲在湖湘爽氣歸

慎思

潭人再入館

詩誇束筍密髮歎耨苗稀勤苦千秋事川明水

孕璣

雄深張子句山水發天光黃鵠愁嚴道玄龜困呂梁愛
君毫穎脫嗟我病僂囊驥尾何當附西風萬里長

蔡侯南國秀經緯耿昭回文史蛙生甌風雲蟄起隈吾

君求助意之子為時來萬旅防秋費何如一士才

鄧忠臣詩

秋日同文館多朋信可依慧鶯還伴鎖巧燕自知歸藻
鑑猶來定翹林未覺稀賢書早晚上拭目看珠璣秋
日同文館朝暉淡淡光聚螢喧敗帳飛蝠入雕梁香散
青綾被詩翻古錦囊羣居有英彥晤語興何長秋日
同文館虛廊日幾回浮花出林杪古樾蔽城隈遠
笛悲仍壯幽禽去又來微吟還自喜共和有清才

文潛次韻

鄧侯讀書室簡編自相依
眡手焚膏寫瘡肩滿橐歸業
文從古有忍志似公稀
欲挈空虛篋從君乞貝璣

鄧子詩成癖全分李杜光
楚風還屈宋宮體變齊梁
蔡

子辨焦尾晁公懷智囊
三賢方鼎峙安敢用吾長

慎思
无咎

偶獲同
院故云

我愧言詩賜公真好學
回鑒書芝閣上藏史楚山隈

慎思

成書把酒論交裏
連房校藝來知君懷水鏡
依賴免遺

才

秋日同文館次韻鄧忠臣三首

高堂置書几連幕與雲齊暑服猶便葛秋盤已飭梨官
醪聊足醉古錦不成題空對燈花喜重城隔夜闌

輟直讐書館聯裾校藝場騰驤來萬里折拔出千章直
釣何妨得殮風未必香搜才賴公等要助俗成康

憶我蓬萊閣同聽午唱雞星辰望天北簷組隔城西幾

日宣魚鑰長驅響月題更憑催鄧子要剗玉如泥

鄧忠臣詩

秋日同文館分場賦未齊校書窮石室刊字費棠梨想
見英雄教誰當甲乙題喜陪羣彥集通籍在金閨 秋

日同文館來遊翰墨場預聞周俊造多有漢文章蘭室
依新潤芸書識舊香逢辰強思報矯首詠明康
同文館晨興不待雞耽書迷甲子行樂任東西靜
對庭柯盼閒尋柿葉題相期放朝後連日醉如泥
秋日

文潛次韻

騎列千牀直雲羅萬卷齊紆妍交孔翠爭味雜柑梨白
日諸侯貢青春天老題秋清文酒健莫歎羽林閨

聲鳴皆出谷甬距各爭場鐵網收明月霜銑倒豫章湛
恩終錫宴優禮合焚香最苦讐書客消愁賴杜康

六街分夜鼓鄰壁報朝雞寒引秋初老天將斗轉西滯

留聊飲酒談笑亦分題須信家居樂休嫌窮巷泥

次韻鄧忠臣未試即事雜書三首

風雲日夕改秋氣襲堂闥映葉無蜩響依叢有蝶歸官
壺催賜耐鄰杵急成衣留滯真何補蓴鱸興又違

氣入中秋勁更傳五夜長青燈蛾舞急白月雁啼涼羈
旅生應慣淹留久却忘吟詩酬鄧子卑昂出東方

前世諸生選平居數路開鄉閭自相與巖穴亦時來射

雉空亡矢為蛇更奪杯千金曾市骨聊用作龍媒

鄧忠臣詩

秋日同文館沉沉棘鎖闌捲簾襟乍快欹枕夢先歸驟
雨憂環堵回風喜袂衣十年經五試撫事憶多違
日同文館閒吟景自長重簾朝氣入嘉木午陰涼朝市
喧聊避山林興未忘頻添統爐水還與試香方
同文館重門靜不開雲隨鴻影去風送樂聲來
架書千軸論文酒百杯晚來陳葉滿還是作愁媒

文潛次韻

文館深魚鑰華堂靜綺闌每勞蛩作伴不與燕同歸古
棟蝸成篆空墻蘚作衣寂寥還泛菊九日莫相違
名自諸侯選功收一日長文章雜蛟蚓丹墨有炎涼平
昔曾充貢酸寒未易忘書生成底事飽死笑東方

倦枕愁霖苦晴窓宿霧開幕雲當晝合袍雪與風來元

日彤庭實東風曲水杯何須戀楊柳聖世要無媒

唐無名子

有不第詩句早知不用無媒路悔別江關楊柳垂

次韻鄧忠臣初入試院

官局悠悠共此行來時庭菊未含英五更脫葉驚書几
一夜寒砧滿禁城詩似涼風淒有興酒如清露浥無

聲何時騎馬催歸去更看林端魄一生

鄧忠臣詩東門驄馬止行行被

詔秋闈閣俊英三島隔雲天北極萬燈明路國西城人
閒聊假詩書樂地遠還聞市井聲一夜涼風起閭闔月

中應有
桂枝生

文潛次韻

莫歎忽忽襍被行
賴逢數子美如英
已看明月同為客
應犯初寒復入城
白日有書追睡思
青燈無夢聽秋聲
直無別甲逍遙地
幾日疑公太瘦生

次韻余幹試院即事呈諸公

天街初月映天河
拜勅東華走馬過
解榻暫如龜遇木
閉簾還似雉嬰羅
倦依書冊工催睡
悶倚詩篇足當歌

可待紛紛厭朱墨書閑惟有飲無何

余幹原詩去家策馬上長河逆旅先

陰忽忽過陳迹不堪追放浪新才仍復委搜羅雅談幸有青雲士佳句寧無白雪歌此興非憑吟笑遣未應能

奈客愁何

文潛次韻

天街落日走鳴珂咫尺衙門不許過
催去據鞍猶鶴望爭觀夾道已雲羅
奏篇定有凌雲賦招隱今無叩角歌
最苦清秋辜美睡通宵三問夜如何

次韻鄧忠臣重九考罷試卷

周行櫛比未應充薦廟方求古鼎鍾經眼乍愁千紙積
解頤聊喜一言逢黃花庭檻時雖過白酒鄰槽願可從

更促寄衣真似旅曉堂初怯露寒濃

忠臣原詩題遍朱
籤棟宇充燈窓長

聽景陽鐘昏眇直要金篦刮黎瘦都如飯顆逢文律自
隨星斗變月評應合士人從了無一事聊深鎖辜負東
籬菊品濃

文潛次韻

回首登高行復冬後時只合歎龍鍾愁須白酒來酣戰
詩為黃花弔不逢十日飛騰過眼疾萬籤甲乙定誰從

共應靜掃氎氎榻深炷爐香午睡濃

時去開院十日

次韻鄧忠臣夜聽晁張對榻誦詩達旦

神交千古聖賢中尚想銅山應洛鐘
傾蓋十年惟子舊知音一世更誰逢
天如蟻磨駸駸旦談似縹車疊疊從

鄰榻鄧侯那不共擁衾百首興方濃

忠臣原詩連牀交語響春容激楚評

騷徹曉鐘繞宅金絲神共聽滿潭雷雨劍初逢信知自
有江山助便欲長操几杖從俱是年家情不淺依蘭應

許馬香濃

文潛次韻

昔遇晁公淮水東，士衡已聽語如鐘。
五車講學知無敵，十載論文喜再逢。
匣古劍光疑鬼泣，夜天虎嘯有風從。
許侯破的由來事，

三句皆屬晁子

杜老裁詩曉墨濃。

文潛再次韻

西城永夜靈鼉鼓，北寺五更青石鍾。
九牧何時官事了，三英聊喜故人逢。

屬同年鄧晁蔡三公

甲庚定處君無讓，躑躅歸時我請從。

欲却睡魔通夕語，明窓茗粥不辭濃。

八弟預薦謹思兄，以詩為慶復次韻并寄八弟。

吾弟平生辛苦同匹雛志舉百鈞鐘自慚操瑟尚不斤
勸使力田終有逢青眼古人欣捷報白頭老母喜占從
書林儻預西城集醕子酣酣杏正濃

文潛同慎思兄別墅在長沙白鶴山晉陶淡舊
居淡事見本傳今其居有大杉可十數圍蕃
茂特異世傳淡藏丹其中用前韻

千年騎鶴老仙翁固是山川秀氣鍾桃洞自宜無客到
吳門應合有人逢巖前舊隱孤山老壺裏真遊白鹿從

近有蓬萊讀書客卜居還占翠嵐濃

次韻題慎思故山

玉泉飛落白霞峯散入山田畝十鍾鄧子結廬真世外
陶公脫屣更誰逢鶯啼春竹風煙近龍起秋堂雨雹從
誰使山人空蕙帳蓬萊金殿興方濃

考校同文館戲贈子方兼呈文潛

二十年來曹子方新詩曾見未能忘多才善譔稱物芳
吳娃席上呼作郎瞥然何許歲月長只今未老毛髮蒼

自言逢掖非昔狂傳經華陰夫子堂何曾騎馬身挾槍
詔隨上將西擊羌董蒲跣注謂我臧夜行馬領饑無糧
鼓輦驚谷騎卷岡吏呼馬微醉在牀前鋒奄至靈武旁
中堅反後無敢驤城開三日牧蔽隍百馳載笥千橐裝
旌旗立壘烏鳥揚還軍不省一矢亡坐師無獲勞不償
鏡歌入奏虛錦囊秋風鱸魚思故鄉銳頭宜董鶴鵠行
得官猶領萬驕驍王城對巷如參商那知連月居茲房
稱多量少非我長羣公古鏡縣秋光閉門飽飯庭葉黃

秋盤登兔官耐香吳音訛變雜秦涼
令壺老柏笑覆觴
淹留平日夢欲翔得君可樂殊未央
人生傾蓋何所望
結交松柏要冰霜中天號出玉璽章
青驄御史騰康莊

歸期屈指未可忙聞君況有夢虺祥
生女不惡嫁鄰牆

掃軒留客具酒漿與君更約城南張

子方和詩少年落魄走四方看山聽

水興難忘深林誰後知孤芳十載江湖稱漫郎
紫溪風月幽思長綠水如鏡煙蒼蒼追隨豪俊多清狂
春風爛醉胥山堂下瞰羣峯聳如槍吳儂棹歌笛弄羌
攀蘿捫壁疲獲臧經旬選勝行齋糧客兒經臺倚高岡
共卧明月吟胡床投身忽落崑崙旁征西萬馬隨騰驤
官軍夜半填賊隍食盡師老催歸裝將軍數奇謾鷹揚
斬捕不

能酬失亡曲突徙薪語莫償幕中病客非智囊扁舟夷
猶憶吳鄉晁侯平日丈人行生駒今始見驕驕伯樂一
盼過老商恐是稟質蒼龍房尤工吳語放降王叔敖抵
掌對燭光秋英落盡金鈿黃玉甕浮春醅潑香九天廣
樂來新涼笑談暫此共一觴天衢六翮將翱翔正值羿
殺遊中央我老委翅無復望洞庭橘熟千林霜行當拂
衣解銀章買取百花洲畔莊世外日月何曾忙脩然一
室生吉祥車馬還能過我墻夜具茗飲與蔗漿更看君
詩雲
錦張

文潛次韻

曹侯驥骨雙瞳方流沙萬里志不忘讀書故山蘭蕙芳
咳唾不顧尚書郎參軍朔方試所長奮髯決策服老蒼

願得一索縛狡狂凱歌操馘獻明堂
黃河東岸萬旗槍
義渠竟失先零羌坐師失律無否臧
但恨不取東關糧
黃君詩律回魍罔十客未得一登牀
攜君秀句展我傍
草書紙上蛟龍驤謂我君舍城東隍
年來長嘯棄軍裝
載酒欲訪執戟揚休日出門如闕
亡坐令耿耿願莫償
紫衣宣詔襍被囊獻書貢士學
與鄉羅庭充屋書萬行
風髯霧鬚簡驕驕考評唐虞論
夏商相過近如蜂隔房
君家八斗陳思王千年門戶有輝光
任城健將獐須黃

猗蘭之苗不改香家人寄衣秋晚涼滯留華館付杯觴
天高月明新雁翔明燈高談夜未央屈指計日引領望
來時汗流今雨霜重門事嚴御史章賴君諧捷解色莊
還家有日未用忙眉間黃色是何祥晁侯約我走門牆
但無閉關休餽漿莫以獸微弓弗張

復用方字韻奉贈同文同舍

平生數子天一方今夕何夕情難忘荷衣攬蕙氣芬芳
冊府兩公同舍郎崑崙方軌萬里長西城却望天蒼蒼

秋庭風雨翻幕狂夜語蔡侯同一堂張侯老筆森矛槍
文詞楚些遺棘羗胷中水鏡誰否臧學三百困羞裹糧
忽如決潰萬仞岡大編小軸山壓牀城南買屋君舍傍
疲驂日附驥尾驤我慙昧道由四隍人如燕宋初束裝
聽君雄辯神揚揚却思得一愁十亡鄧侯韞櫝價不償
有方未試聊貯囊起家斗牛玉筍鄉鴻騫早入鵷鷺行
和鸞采齊要驪駒一鐸便足諧宮商知君雲壑有松房
南陽耒耜心霸王玉池復說夜有光仙人藏丹金鼎黃

願分神漢浴骨香我非其人慙德涼蔡侯發跡江濫觴
閉籠祇欲擘海翔此公事業未渠央六奇他日吾所望
烏號張月刀瑩霜裂五單于加印章穰苴可但虛斬莊
遭時立志未可忙白犢得瞽寧非祥嗟予企踵不及牆
逢君如渴御蔗漿怯雖如鼠猶膽張

文潛次韻

平生結交圓納方過眼十人八九忘晚蘭畝蕙幽谷芳
嬾隨家奴諛五郎苦饑方朔身漫長顛毛種種顏欲蒼

誰謂勝癡端坐狂清淮之陰一草堂列筆作陣茶森槍

絕口平戎與破羌百年如此計亦臧何用竊食官倉糧

玄黃病足畏高岡但願縮頭老支牀煌煌東壁日月旁

神仙鸞鳳爭騰驤萬書落架城覆隍牙籤如雲丹碧裝

晁侯再作班與揚正始固在何曾亡江湖十年願飽償

夜成七發光出囊蘇公後世長卿鄉為君吳都無一行

蘇長公欲作杭州賦見无咎杭州七述乃止世有伯樂生驕驕肯使弭耳隨

鹽商鄧侯楚山深閨房名走上國交侯王朝隨日景夜

欽定四庫全書

坡門酬唱集卷二十三

五

燈光包攬今古窮炎黃吐詞分葩有國香近君如雪六

月凉又似心醉醞醞觴東南蔡子名飛翔同隨天書拜

未央瑰琦宏傑萬夫望頰牙凜凜有風霜文如神鼎爛

龍章鍾山長齋讀老莊論兵說佛兩俱忙不夸得硯文

字祥但願破敵如頽墻我窮乞酒更得漿仰看三虎爭

雄張

次韻樗年見貽

平生車軌周四方結交童叟老相忘異哉余子久彌芳

吳人猶記稱周郎河豚入網荻牙長宜興罨畫煙水蒼

風雩春服真少狂不愧戴崇升後堂

時王平父方教授

橫戈筆陣倒千槍升鸞獨步禹出羌

世儒膠

擾何足臧說食不救飢求糧暫思振衣千仞岡空林無

人一繩牀五車純束不在旁欲徹梯磴排空驤鍾山春

水繞城隍從師不憚白笈裝矢鋒相觸塵不揚驪黃牝

牡若滅亡子嚴主簿志不償厭見朱墨紛倉囊西風雲

日思帝鄉東華拜勅鳧綴行黃昏闔闔飛驕驕虛堂節

欽定四庫全書

坡門酬唱集卷二十三

五

候變金商閉門蟋蟀鳴我房吾君仁聖周成王屏驅虎

豹開明光山龍粉米雜青黃多儒可贊至治香園檀山

石豈荒涼潢汙蘊藻須豆觴願君與借羽翮翔賢書蚤

列升未央君如病鵲待秋霜牛衣未可悲王章公朝道

闢五達莊服裏按節緩勿忙夢松生腹渠不祥莫車上

僂應循墻功成歸飲沆瀣漿發機要若黃間張

余幹原

城如金斗方往事歷歷那能忘相逢童子佩蘭芳秀發

人指誰家即未幾重見突而長即今不覺秋蓬蒼戲笑

豈復為兒狂追昔密子初登堂辭鋒峭拔森刀槍器識

沈遠包大荒陽秋寧肯露否臧有子遊學先聚糧相將

百里陟岵岡邂逅一挹坐僧床大辯傾注如無旁天馬
方謂先騫驤觀魚誰復駐濠隍瓜期受代垂趨裝當路
秦磧交稱揚行將超擢奄云亡坐令志氣不得償傳家
豈訖錢一囊諸兒經行名州鄉挾書繼踵諸父行旋見
天衢飛驪驪論治直要超周商術卑效淺笑杜房况是
亨運遭興王致君紹祖邦家光何止追考歸焚黃運庭
朝露明芸香異書滿閣秋氣涼詠歌間成隨豆觴讀之
如欲凌雲翔暫迂大手離未央挈篋來寄深閨霜賓興
賢能視文章尊尚周孔麾韓莊搜奇殆有通夕忙英遊
疑動聚星祥我歸復翳環堵墻世味已能如飲漿義皇
上人琴
一張

陳無已

連日大雪以疾作不出聞蘇公與德麟同登女郎

臺

掠地衝風敵萬人，蔽天密雪幾微塵。
漫山塞壑疑無地，投隙穿帷巧致身。
晚積讀書今已老，閉門高卧不緣貧。
遙知更上湖邊寺，一笑潛回萬室春。

是日遣兵官分賜柴米

東坡次韻

可憐擾擾雪中，人饑飽終同寓一廛。
老檜作花真強項，凍鳶儲肉巧謀身。
忍寒吟咏君堪笑，得煖謹呼我未貧。
坐聽屐聲知有路，擁裘來看玉梅春。


龍潭

清淵下無際落日回風濶凜然毛髮直敢以笑語干坡
陀百尺臺葱翠萬木蟠驚飈振積葉清霜作朝寒水旱
或有差精禱神其難魚龍同一波信有水府寬向來三
日雨賴子一據鞍何以報嘉惠寒瓜薦金盤萬口待一
飽歸卧神其安猶須雪三尺盛意莫得闌

東坡次韻

明經宣城宰家此百尺濶鄭翁不量力敢以非意干玄

黃雜兩戰絳青表雙蟠烈氣斃強敵仁心惻饑寒精誠
禱必赴苟簡求亦難蕭條麥薊枯浩蕩日月寬念子無
吏責十日勤征鞍春蔬得雨雪少助先生盤龍不憚往
來而我獨宴安閉閤默自責神交清夜闌



坡門酬唱集卷二十三